

## IV. UNGIR OG ALDNIR SEGJA FRÁ

### ÞAR HEFUR HESTAMENNSKAN LEGIÐ Í BLÓÐINU

Jóhannes Stefánsson á Kleifum í Gilsfirði er 5. liður, í beinan karlegg af Bjarna landlækni Pálssyni. Af þeim feðgum hafa a.m.k. 4 verið þekktir hestamenn og sumir þeirra landskunnir, eins og t.d. sr. Eggert Bjarnason í Stafholti. Og enn þá fylgir hestamennskan þeim ættmönnum. Jóhannes á Kleifum ræðir að vísu fátt um eigin hesta og hestamennsku, en þess meira um bestu góðhesta Stefáns föður síns og Eyjólfss afa síns, sem bjó á Gilsfjardarmúla.

Jón Ásgeirsson á Þingeyrum (f. 1839, d. 1898) lét svo ummælt þegar hann var inntur eftir sínum fyrstu kynnum af góðum tamningamönnum: „Hann Lói minn blessaður kenndi mér þetta.“ Átti þá Jón við Eyjólf (f. 1836, d. 1916), afa Jóhannesar.

Af gæðingum Stefáns Eyjólfssonar á Kleifum hafa einkum tveir orðið nafnkenndir, en það var hryssan *Perla* og dökkjarpi hesturinn *Páttur*, bæði meðal mestu gæðinga á Vesturlandi um sína daga. – Um hesta Stefáns á Kleifum mætti rita langt mál og hefur þegar verið gert að nokkru, sbr. grein Sigurgeirs Magnússonar í 14. árg. Hesturinn okkar, 2. tbl. '73 og vísast hér til hennar. En mest hefði það orðið til gagns og fróðleiks, ef slíkir snillingar, sem þeir feðgarnir Stefán og



Jóhannes Stefánsson Kleifum lætur hryssuna *Skjónu* standa á einum fæti. – Myndin tekin á kappreiðamóti norður í Bitru. Ljós-  
Tryggvi Samúelsson.



*Jóhannes Stefánsson Kleifum situr á hryssunni Iðu á Þingvöllum 1970. Ljós. Einar Eilert.*

feðgarnir Stefán og Eyjólfur hefðu eftirlátið afkomendum og öðrum frásagnir í skrifuðu máli af tamningu og uppeldi bestu hrossa sinna.

Sjálfur hefur Jóhannes á Kleifum átt marga góðhesta og hefur ásamt fleirum stofnað til hrossaræktunar á heimaslóðum. Hann hefur stundað hrossakaup, einkum á sínum yngri árum. Eitt sumarið hafði hann hrossakaup á um 40 hrossum. Hafði hann út úr því tvo gæðinga, sem enginn vildi eiga.

Sléttubandavísur um hestinn *Þátt* á Kleifum

Jarpur, þýður, hófahreinn,  
hnellinn, traustur, frækinn.  
Snarpur, fríður, bógabeinn,  
bellinn, hraustur, sækinn.



Stefán Eyjólfsson, Kleifum á *Þætti* sínum tvítugum. Ljós. Kári Yngvarsson.

Vegi þeytist fótafrár,  
fleygir heitu grjóti.  
Eigi þreytist kostaklár,  
Kleifum beitir móti.

Þáttar snilli hófahljóð  
hamra milli duna.  
Máttar trylli-orkuóð  
efstu syllur muna.

Hæsti bróður strengur stökk,  
Stefán reiðum hætti.  
Stærsti gróður fellur, frökk  
förlast skeiðin *þætti*.

Guðmundur E. Geirdal bróðir Stefáns á Kleifum gerði þessar vísur.

## „HÝRGADUR ÉG HESTI RENNDI . . .“

Eyjólfur Jónasson í Sólheimum í Laxárdal er nú elstur manna í Dölum, f. árið 1889. Snemma hneigðist hugur hans til hestamennsku og ungur að árum fór hann að fást við tanningar. – Ýmsir hafa rætt við Eyjólf um samskipti hans og hestanna, m.a. í tímaritinu Hesturinn okkar og víðar. – Í viðtali við Eyjólf fyrir skömmu kom fram, að hann tók þátt í kappreiðum á Borðeyri í Hrútafirði árið 1911, eða sama sumarið og Finnbogi á Sauðafelli reyndi skeiðhestinn Hrapp á kappreiðum við vígslu Norðurárbrúar, sem getið er hér að framan. Eru þetta trúlega fyrstu kappreiðarnar utan héraðsins, sem Dalamenn hafa tekið þátt í. Þetta mun hafa verið snemma sumars. Auk Eyjólfss munu þessir menn hafa reynt hesta sína við þetta tækifæri á Borðeyri:

*Þorsteinn Gíslason* – síðar bóndi í Ljárskógaseli reyndi svonefndan Ljárskóga-Rauð og varð hann annar í keppninni.

*Inghór* bóndi á Óspaksstöðum reyndi þarna rauðan hest. Fjórdi hesturinn, brúnn að lit frá Barkarstöðum hafðist ekki af stað þegar rásmerkið var gefið.

Ekki man Eyjólfur eftir að fleiri hestar væru reyndir í skeiðkeppninni. Einn af helstu hvatamönnum að þessum kappreiðum mun hafa verið Hendrik Theodórs, þá ungur maður á Borðeyri. Hesturinn, sem Eyjólfur reyndi á Borðeyri var hans fyrsti góðhestur, grár að lit og kallaður Sörli. Hlaut hann fyrstu verðlaun á Borðeyri, en verðlaunin voru góðar beisliststengur. Það er svo 1912 eða 1913 að Eyjólfur tekur aftur þátt í kappreiðum og þá á jörpum gæðing, sem hann fékk frá Reykjum í Hrútafirði. Voru þessar kappreiðar meðal fleiri atvika á skemmtun, sem ungmennafélagið Ólafur pá hélt í svonefndu Arnarnesi á Dönustöðum í Laxárdal. Það fór á sömu leið á þessum kappreiðum og á Borðeyri, að Eyjólfur sigraði á Jarp sínum. Síðan að þetta var hefur hann lítið sinnt kappreiðum. Hann hefur eignast og tamið margan góðhestinn, enda oft þurft á góðum og traustum hestum að



Gömul Ljárskógamynd:

Frá v.: Eyjólfur Jónasson, Sólheimum á *Sólheima-Grána*. Sigfinnur Sigtryggsson, síðar bóndi á Hofakri situr á *Raudstjarna*. Guðbrandur Jónasson, Sólheimum situr á *Hetti*, bleikskjóttum hesti. Ljósm. Jón Guðmundsson, Ljárskógum. Myndin tekin snemma á öðrum áratug aldarinnar við gamla Ljárskógabæinn.

halda, þar sem hann sá um póstflutning milli Hrótafjarðar og Búðardals um margra ára skeið. Glíman við torleiði og misjöfn veður á Laxárdalsheiði var oft erfið, enda má með miklum rétti kalla Eyjólfur son heiðarinnar.

Sjaldan var Eyjólfur einhesta og þótt svo væri stöku sinnum var skáldfákurinn alltaf með í för. – Hér fara á eftir nokkrar stökur, sem hann á liðnum árum hefur látið falla um nokkra af þeim mikla fjölda hrossa, sem hann hefur haft undir höndum, allt frá því hann 10 ára gamall fór að temja hest.

Oft mun Eyjólfur hafa krafist mikils af hestum sínum og rak stundum nauðsyn til við erfiðar kringumstæður. – Í eftirfarandi stöku er hann farinn að huga að væntanlegum vistskiptum:

Á hestbak' fer ég himnum á,  
en hörkuna verð að stilla.  
– Hvað segði hann Kristur þá,  
ef klárana léki'ég illa?

Eyjólfur hafði um tíma fola í tamningu frá Brekkulæk í Miðfirði. Eftirfarandi vísa greinir frá viðskiptum Eyjólfss og fola þessa:

Snöggkann krækja traustri tá,  
töltið rækja þolinn.  
Byrstur sækir brattann á  
Brekkulækjarfolinn.

Þessi vísa er um svonefndan Yngri-Sörla frá Kjörseyri, er Eyjólfur hafði um tíma í tamningu:

Aðeins vangann veitir á,  
vel þó ganga talinn,  
upp í fangið á mér lá  
endilangan dalinn.

Eitt sinn snemma á árum hafði Eyjólfur rauðstjörnöttan fola í tamningu. Var hann á ferð fram Laxárdalinn og lá vegurinn fyrir framan bæinn Gröf í ótal hlykkjum, enda litlar vegabætur komnar þá til sögunnar. Folinn var léttur í taumi og lét Eyjólfur hann ráða ferðinni, fór hesturinn beint af augum og fipaðist hvergi –“ Klippti lykkjur allar“ og rann allt sem á sléttum og beinum vegi:

Upp sér rykkir, fékk víst flog,  
folinn þykkjuríkur, –  
klippti lykkjur allar og  
engri bykkju líkur.

Eyjólfur átti um skeið leirljósan hest, ættaðan frá Brandagili í Hrutafirði. Var þetta vænn hestur og sérlega traustur og orkumikill. Um hann kvað Eyjólfur þessar tvær kunnur vísur:

Pó ég eignist hest og hest,  
höfðingjar sem kjósa –  
mig hefur alltaf borið best  
beinagrindin ljósa.

Liggja að baki fetin frá,  
fleiri en margir kjósa,  
þó er ekki sorg að sjá  
í svipnum á þeim ljósa.

Eyjólfur seldi sr. Jóni Brandssyni í Kollafjarðarnesi  
góðhest, er nefndur var Kútur.

Kútur heitir klárinn minn,  
kann að beita fæti,  
Snöggur, eitill, ómæðinn  
oft mér veitir kæti.

Þegar halla fer á tíunda tug ævinnar fara flestir að þreytast  
og flestir miklu fyrr. Svo er með Eyjólf í Sólheimum. – Hann  
finnur fyrir nokkru veikleika sinn í glímunni eilífu:

Hýrgaður ég hesti renndi  
heims í asanum.

– Pota ég nú með prik í hendi  
og pontu í vasanum.

Átak lúið, að var sorfið,  
orkuþörfin brýn, –  
þetta er búíð, enda orðið  
annarra þörf en mín.

Að lokum mælir Eyjólfur fram vísu þessa um einn  
traustan gæðing, sem hann gat alltaf treyst:

Skeifnabaldur traust með tók  
taumagaldri veldur,  
skaust hjá kaldri skaðavök,  
skeikaði aldrei heldur.

Á óvenjulöngum lífsferli hefur öldungurinn í Sólheimum  
mætt mörgum „skaðavökum“ lífsins. Þá hafa hestar hans  
e.t.v. verið hans mesta yndi, enda átt lengri samleið með



þeim en nokkur annar maður í Dölum. En allt tekur enda og þess vegna segir hann í þessari stöku:

Ungur þreytti ég undir slit  
afl við taumaskakið.  
Sé nú hvorki lag né lit  
leggst því hægt á bakið.

Skjöldur Stefánsson, útibússtjóri í Búðardal sendi Eyjólfri í Sólheimum eftirfarandi tvær vísur 15. mars 1974:

Ellina temur þú tryppunum jafnt,  
þótt töltgeng hún reynist víst ekki.  
Ég treysti þér til þess að sitja' 'ana samt,  
þó sýni hún bölvada hrekki.

Er lífið að síðustu líður hér út,  
á leiðina ókunnu' er haldið,  
þú svífur á fáknum og sýpur af stút  
í *Sólheimum* – bak við tjaldið.

Björn Guðmundsson

### UNGLINGASTARFIÐ

Það var upp úr 1980. sem farið var að ræða það í stjórn félagsins að nú þyrfti að fara að stuðla að barna- og unglíngastarfi, enda var þá vakning meðal hestamannafélaga víðsvegar um landið í þá veru, og sum stærri félögin og fjölmennari höfðu þá þegar komið á öfluglu barna- og unglíngastarfi.

Það er svo vorið 1981, sem fenginn er reiðkennari og var það Jón Þórðarson. Var námskeiðið haldið að Svarfhóli. Tóku nokkur börn og unglíngar þátt í þessu námskeiði.

Vorið 1982 var fenginn reiðkennari í 2 daga og tók Björn Guðmundsson við af honum og lauk því námskeiði. – Var þetta námskeið eingöngu fyrir börn og unglínga og haldið í Búðardal.



Björn St. Guðmundsson á reiðhesti sínum *Skugga*.

Í mars 1983 fór Björn á námskeið fyrir leiðbeinendur barna og unglinga, sem haldið var í Kópavogi og hélt þá sumarnámskeið á nokkrum stöðum í Hörðudal, Laxárdal, Hvammssveit og Saurbæ. Mættu á þessi námskeið um 40 börn og unglingar. Þetta sumar kepptu börn og unglingar í fyrsta sinn á hestapingi Glaðs á Nesodda og var það mikil hátíð.

Vorið 1984 hélt Björn námskeið og hápunkturinn það sumar var þátttaka barna og unglinga í fjórðungsmóti á Kaldármelum og urðu þau þar félaginu til mikils sóma. – Segja má að þetta sé forsaga unglिंगastarfsins hjá félaginu. Barna og unglिंगastarfið hefur síðan verið fastur liður í starfsemi félagsins. Síðan hafa börn og unglingar tekið þátt í öllum mótum félagsins og einnig í firmakeppni hestaeigendafélags Búðardals, sem haldin er á hverju ári. Þátttaka hefur verið sæmileg og stundum allgóð.

Um framtíðarhorfur er það að segja að áriðandi er að félagið efli enn betur þessa starfsemi og haldi þar vöku sinni, því þarna er grunnur lagður að áframhaldandi velgengni hestamannafélagsins Glaðs.

## FRIDRIKA A. SIGVALDADÓTTIR, 16 ÁRA, KVISTHAGA, MIÐDÖLUM

*Hefur þú stundað hestamennsku lengi?*

Já, það má segja það. Ætli ég hafi ekki verið 5 – 6 ára þegar ég fékk að sitja á hesti, stutta spotta, þegar aðrir voru að fara í útreiðartúra. Þegar ég var orðin 8 – 9 ára var ég farin að vera ein og óstudd, annars er ég farin að gleyma þessu.

*Hvernig vaknaði áhugi þinn fyrir hestum?*

Systur mínar voru og eru með þessa delli, ætli ég hafi ekki smitast af þeim og áhuginn hefur svona vaxið með árunum.



Friðrika A. Sigvaldadóttir á Gullskó á fjórðungsmótinu á Kaldármelum 1988.

*Hefur þú fengið mikla tilsögn, farið á námskeið o.þ.h.?*

Ég hefi farið á tvö reiðnámskeið, annað hjá Birni Guðmundssyni og hitt hjá Bjarna E. Sigurðssyni. Svo hafa systur mínar og mágur sagt mér mikið til og einnig hefi ég lesið mér heilmikið til.

*Hefur þú oft tekið þátt í keppni?*

Já, ég hef tekið þátt í keppni 8 sinnum, þar af einu sinni á landsmóti og svo á fjórðungsmótinu síðasta á Kaldármelum.

Í fyrsta sinn, sem ég ætlaði að keppa, datt ég af baki og hesturinn steig ansi illa ofan á mig, þannig, að ég var ekki með í það skiptið.

*Hvað finnst þér þurfa til að ná góðum árangri?*

Það þarf góðan hest, góða þjálfun og mjög mikilvægt er að sambandið milli hests og knapa sé gott.

*Finnst þér nóg gert fyrir börn og unglunga í hestamenskunni í Dölum?*

Það fyrsta sem mig langar að nefna og á ekki bara við um

Dalina, er það, að krakkar fá ekki nógu góða hesta. Þeir fá kannske þægan hest, sem er bara brokkari, eða lullari og missa kannske áhugann í staðinn fyrir að fá hest, sem býður upp á fleiri gangtegundir, hest, sem þeir geta unnið í og lært af. –

Það er svo sem alltaf hægt að setja út á hluti. Ég hefði gjarnan viljað fá fleiri námskeið, fræðslufundi o.þ.h. Einnig finnst mér vanta aðstoðarmann með krökkum þegar þeir eru sendir burt í keppni, eins og á lands- og fjórðungsmót.

*Átt þú þér ekki draumahest?*

Ætli það sé ekki klárhestur með tölti, hágengur og rúmur, hestur, sem ég gæti sjálf unnið í, tamið og þjálfað.

## ÍRIS HRUND GRETTISDÓTTIR, 10 ÁRA, BÚÐARDAL Svandís Sigvaldadóttir, Skógs koti tók viðtalið

*Hefur þú stundað hestamennsku lengi?*

Svona í tvö ár að einhverju marki.

*Hvernig vaknaði áhugi þinn fyrir hestum?*

Þegar ég fór að fara í hesthúsið með pabba.

*Hefur þú fengið mikla tilsögn, farið á námskeið og þess háttar?*

Ég er búin að fara á 5 reiðnámskeið, þrisvar á Grána mínum og tvisvar á Lit Munda á Hóli, sem var fyrsti hesturinn, sem ég fór ein á.

*Hefur þú oft tekið þátt í keppni?*

Fjórum sinnum, tvisvar á Nesodda, einu sinni í firmakeppni og svo á fjórðungsmóti.

*Hvað finnst þér þurfa til að ná góðum árangri?*

Góðan hest og góða tilsögn.

*Finnst þér nægilega mikið gert fyrir börn og unglinga í hestamenskunni í Dölum?*



Íris Hrund, Búðardal, 10 ára á hesti sínum Grána. Myndin tekin á Kaldármelum sumarið 1988.

Ekki nægjanlega mikið. Námskeið mættu vera oftar og fleiri útreiðartúrar.

*Átt þú þér ekki draumahest – hvernig er hann?*

Dökkbrúnan, hágengan töltara.

Svandís Sigvaldadóttir Skógskoti tók bæði viðtölin.



Hallgrímur Sæmundsson frá Tungu á Nesodda 1982. Efstur í eldri flokki unglunga á hryssunni Lipurtá.

## VERÐLAUNABIKARAR HMF. GLAÐS.

### B. flokks bikarinn

Gefinn til minningar um Guðmund Ágústsson Erpsstöðum er lést 1974. Gefendur voru nokkrir félagar hans og vinir. Veitist þeim hesti er bestum árangri nær í B flokki gæðinga.

#### Vinningshafar:

- |      |   |            |
|------|---|------------|
| 1975 | Neisti f. Búðardal 11 v.<br>Eig. og knapi: Hallur Jónsson Búðardal.                                   | Eink. 7.71 |
| 1976 | Funi f. Jörva 11 v.<br>Eig. og knapi: Marteinn Valdimarsson.  | Eink. 8.20 |
| 1977 | Hrímnir f. Kirkjuskógi 11 v<br>Eig: Gunnhildur Ágústsdóttir Erpsstöðum<br>Knapi: Hólmar Pálsson.      | Eink. 8.23 |
| 1978 | Óðinn f. Stórholti 6 v.<br>Eig: Hallur Jónsson<br>Knapi: Óskar Sverrisson                             | Eink. 8.03 |
| 1979 | Svarri f. Vífilsdal 8 v<br>Eig: María Eypórsdóttir Búðardal<br>Knapi: Marteinn Valdimarsson.          | Eink. 7.98 |
| 1980 | Prinsessa f. Tungu 9 v.<br>Eig: Hrafnhildur Hallgrímsdóttir Tungu<br>Knapi: Jón Steinbjörnsson.       | Eink. 8.10 |
| 1981 | Hrímnir f. Kirkjuskógi 15 v.<br>Eig: Gunnhildur Ágústsdóttir Erpsstöðum<br>Knapi: Hólmar Pálsson.     | Eink. 8.10 |
| 1982 | Dúkka f. Hrappsstöðum 7 v.<br>Eig: Alvilda Þóra Elísdóttir Hrappsstöðum.<br>Knapi: Hróðmar Bjarnason. | Eink. 8.65 |
| 1983 | Dugur f. Hrappsstöðum 6 v.<br>Eig. og knapi: Svavar Jensson Hrappsstöðum.                             | Eink. 8.69 |





Verðlaunabikarar hestamannafélagsins Glæs. Fremri röð f.v.: Ásetubikar Glæs, Glettubikarinn. Aftari röð f.v.: Bikarar veittir í eldri og yngri flokkum unglina, Tvistsbikarinn og B-flokksbikarinn. Ljósm. Stefán Bergþórsson.

- 1984 Stórstjarni f. Vatni 8 v. Eink. 8.24  
Eig. og knapi: Jörundur Jökulsson Vatni.
- 1985 Gullskór f. Búðardal 9 v. Eink. 8.10  
Eig. og knapi: Friðrika A. Sigvaldadóttir Kvisthaga.
- 1986 Kvistur f. Búðarhóli 8 v. Eink. 8.29  
Eig: Helga Ágústsdóttir Búðardal  
Knapi: Sigurður Jökulsson.
- 1987 Rispa 6826 f. Þorbergsstöðum 6 v. Eink. 8.39  
Eig: Skjöldur Stefánsson Búðardal  
Knapi: Jón Ægisson.
- 1988 Drífandi f. Hrappsstöðum 8 v. Eink.  
Eig: Grettir Guðmundsson Búðardal  
Knapi: Guðmundur Ólafsson.

### TVISTBIKARINN:

Farandbikarinn gefinn af Halli Jónssyni, Jóni Hallssyni og fjölskyldum til minningar um gæðinginn Tvist. Veitist þeim hesti er bestum árangri nær í A flokki og liggur jafnframt löglegan skeiðsprett. Tvistur vann sjálfur þessa keppni þrisvar sinnum eða árin '68, '72 og '76.

#### Vinningshafar:

- 1982 Snarfaxi f. Þorbergsstöðum Eink. 8.34  
Eig.: Skjöldur Stefánsson  
Knapi: Hróðmar Bjarnason.
- 1983 Röðull f. Hörðubóli Eink. 8.50  
Eig.: Auður Kristjánsdóttir Búðardal  
Knapi: Jón Steinbjörnsson.
- 1984 Korgur f. Hrappsstöðum Eink. 8.42  
Eig.: Bjarni Hermannsson Leiðólfsstöðum  
Knapi: Hróðmar Bjarnason.

- |      |  |            |
|------|--|------------|
| 1985 | Sýsla f. Dallandi Mosfellssv.<br>Eig.: Pétur Þorsteinsson Búðardal<br>Knapi: Friðgeir Friðjónsson. | Eink. 7.97 |
| 1986 | Stjarni f. Sámstöðum<br>Eig. og knapi: Eyjólfur Jónsson Sámstöðum.                                 | Eink. 8.18 |
| 1987 | Fengur f. Þorbergsstöðum<br>Eig.: Skjöldur Stefánsson Búðardal<br>Knapi: Jón Ægisson.              | Eink. 7.95 |
| 1988 | Amor f. Glæsibæ Skag.<br>Eig.: Hrönn Jónsdóttir Gillastöðum<br>Knapi: Jón Ægisson.                 | Eink. 8.08 |

### ÁSETUBIKARINN:

Farandbikarinn gefinn af Friðgeiri Friðjónssyni Borgarnesi 1980 og veitist þeim knapa, sem besta ásetu hefur að mati dómara mótsins.

Vinningshafar:

- 1980 Marteinn Valdimarsson Búðardal
- 1981 Jörundur Jökulsson Vatni
- 1982 Hróðmar Bjarnason Laugum
- 1983 Svavar Jensson Hrappsstöðum
- 1984 Auður Edda Jökulsdóttir Vatni
- 1985 Ása Hólmarsdóttir Erpsstöðum
- 1986 Hrönn Jónsdóttir Gillastöðum
- 1987 Íris Hrund Grettisdóttir Búðardal
- 1988 Friðrika A. Sigvaldadóttir Kvisthaga.

### UNGLINGAFLOKKSBIKARAR:

Bikarar gefnir af Gretti Guðmundsson Búðardal 1987. Veitist þeim unglíngum er efstir standa í unglíngakeppni. Skildu þeir vinnast til eigna ef sami unglíngur ynni þá tvisvar.

**Eldri fl:** 1987 og 1988 Friðrika A. Sigvaldadóttir.  
**Yngri fl:** 1987 og 1988 Íris Hrund Grettisdóttir.  
Báðir þessir bikarar hafa því unnist til eignar.

### **GLETTUBIKARINN:**

Farandbikar gefinn af Sigurði Ólafssyni Reykjavík 1963.  
Skv. skipulagsskrá skal hann veitast fyrsta hrossi í skeiði sem fætt er í Dalasýslu og sé eigandi hans heimilisfastur í Döllum.  
Skv. annálum er birst hafa í Hestinum okkar hafa eftirtalin hross hlotið bikarinn. (Því miður er ekki um heilstæða skrá frá upphafi að ræða).

Vinningshafar:

1967 Tvistur f. Búðardal 8 v. 25.4 sek.

Eig. og knapi: Hallur Jónsson.

1968 Sveipur 15 v. f. Kleifum 27.1 sek.

Eig. og knapi: Jóhannes Stefánsson Kleifum.

1969 Ekki vitað.

1970 – 1972 Tvistur f. Búðardal

Eig. og knapi Hallur Jónsson.

1973 Bliki 9 v. f. Búðardal 24.4 sek.

Eig. og knapi: Hallur Jónsson.

1974 – 1975 Rjóð f. Búðardal 8 v. (1974 á 25.6 sek.)

Eig. og knapi: Jón Hallsson.

1976 Tvistur 17 v. f. Búðardal 25.6 sek.

Eig. og knapi: Hallur Jónsson.

1977 Ekki vitað.

1978 Minning 10 v. f. Kleifum 25.7 sek.

Eig. og knapi: Jóhannes Stefánsson Kleifum.

1979 – 1983 Draumur f. Stórholti. (8 v. 1980 á 24.8 sek.)

Eig. og knapi: Erling Kristinsson.

1984 Smári f. Galtarholti 17 v. 25.6 sek.

Eig. og knapi: Guðmundur Ólafsson Kvisthaga.

1985 Harpa f. Búðardal

Eig. og knapi: Jón Hallsson Búðardal

1986 – 1987 Draumur f. Stórholti (15 v. 1987 á 26.1 sek.)

Eig. og knapi: Erling Kristinsson Rauðbarðaholti.

1988 Gletta f. Búðardal 7 v. 25.7 sek.

Eig.: Jón Hallsson Búðardal.

Knapi: Hallur Jónsson.

## HEIMILDASKRÁ

- Ættbók og saga, I. – IV. bindi – Gunnar Bjarnason  
Hornfir góðhestar – Ásgeir Jónsson frá Gottorp  
Stafnsættirnar – Sig. Jónsson frá Brún  
Hesturinn þinn – Vignir Guðmundsson  
Ég berst á fáki fráum – Sigurgeir Magnússon  
Í ríki hestsins – Úlfur Friðriksson  
Með reistan makka – Erlingur Davíðsson  
Hesturinn okkar – Tímarit  
Eiðfaxi – Tímarit  
Satt – Tímarit, desemberhefti 1970  
Dalamenn, I. – III. b. Sr. Jón Guðnason  
Á fullri ferð – Oscar Clausen  
Fákur – 25 ára afmælisrit hmf. Fáks. Einar E. Sæmundsson  
Fimmtíu ára afmælisrit Fáks  
Lítill varningsbók – Jón Sigurðsson, 1861  
Bóndi – Tímarit, útg. sr. Jakob Guðmundsson á Sauðafelli  
1851  
Laxdæla, Fornritaútgáfan 1934  
Úr æviminningum Jóns Sumarliðasonar, ópr. handrit  
Afmælisrit búnaðarsamb. Dala og Snæfellsness, útg. 1939  
Ritsafn Stefáns Jónssonar á Höskuldsstöðum, II. b., útg.  
1985  
Gjörðabækur hmf. Glaðs frá upphafi.  
Munnlegra heimilda er yfirleitt getið í svara.









Eyjólfur Jónasson 99 ára t.v. og Höskuldur Eyjólfsson 95 ára.

# *Traust handtak innsiglar viðskipti og vináttu*



**BÚNAÐARBANKI  
ÍSLANDS**

ÚTIBÚIÐ BÚÐARDAL